



« 06 » մարտի 2019թ

Վ. Այվազյան
Վարչ

Որոշում N 143

Վարչական տույժ նշանակելու մասին

ՀՀ առողջապահական և աշխատանքի տեսչական մարմնի ղեկավար Էդգար Խուրշուդյանս, ուսումնասիրելով.

- 1) 2019 թվականի հունվարի 21-ի N 36-Ա հրամանի համաձայն հարուցված վարչական վարույթի փաստական հանգամանքները՝ ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ «Տավուշ» մասնաճյուղից ստացված 2019 թվականի հունվարի 17-ի տեղեկատվությունը
- 2) 2019 թվականի հունվարի 22-ի զննում իրականացնելու վերաբերյալ N 01/251-19 ծանուցումը
- 3) 2019 թվականի փետրվարի 22-ի վարչական իրավախախտման վերաբերյալ N 144 արձանագրությունը
- 4) 2019 թ. փետրվարի 22-ի արձանագրված իրավախախտումների հետ կապված վարչական իրավախախտման վերաբերյալ գործի քննությանը մասնակցելու վերաբերյալ N 01/1392-19 ծանուցագիրը
- 5) 2019 թ. հունվարի 23-ին կազմված զննման արձանագրությունը

Պարզեցի

1. Նկարագրական մաս

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը և հաշվի առնելով ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ «Տավուշ» մասնաճյուղից ստացված 2019 թվականի հունվարի 17-ի թիվ 01-17/01 տեղեկատվությունը, ՀՀ առողջապահական և աշխատանքի տեսչական մարմնի կողմից 2019 թվականի հունվարի 21-

ին հարուցվել է վարչական վարույթ: Հարուցված վարչական վարույթի շրջանակներում ՀՀ առողջապահական և աշխատանքի տեսչական մարմնի Արևմտյան տարածքային կենտրոնի մասնագետների կողմից 2019 թվականի հունվարի 23-ին իրականացվել է ՀՀ Տավուշի մարզ, ք. Իջևան, Մայիսի 28-ի փողոց, շենք 5 հասցեում գտնվող «Իջևան քաղաքի թիվ 1 մանկապարտեզ» համայնքային ոչ առևտրային կազմակերպությունում (ՀՎՀՀ 07603215) զննում՝ ՀՀ առողջապահության նախարարի 2002 թվականի դեկտեմբերի 20-ի N 857 հրամանով հաստատված «Նախադպրոցական կազմակերպությունների (հիմնարկների)» N 2.III.1 սանիտարական կանոնների և նորմերի 5.2, 5.3 և 8.3 կետերով սահմանված պահանջների պահպանումը պարզելու նպատակով: Ձննման արդյունքում 2019 թվականի հունվարի 23-ին կազմվել է զննման արձանագրությունը: Ձննումից պարզվել է.

1. Նախադպրոցական կազմակերպության շենքը ապահոված չէ կենտրոնացված ջեռուցման համակարգով, որը հանդիսանում է ՀՀ առողջապահության նախարարի 2002 թվականի դեկտեմբերի 20-ի N 857 հրամանով հաստատված «Նախադպրոցական կազմակերպությունների (հիմնարկների)» N 2.III.1 սանիտարական կանոնների և նորմերի 5.2 կետով սահմանված պահանջների խախտում:
2. Մանկապարտեզի կրտսեր Ա խմբում և կրտսեր Բ խմբում օդի ջերմաստիճանը եղել է 15 աստիճան ցելսիուսի, միջին Ա խմբում՝ 17 աստիճան ցելսիուս և ավագ Ա խմբում՝ 14 աստիճան ցելսիուս, որը հանդիսանում է ՀՀ առողջապահության նախարարի 2002 թվականի դեկտեմբերի 20-ի N 857 հրամանով հաստատված «Նախադպրոցական կազմակերպությունների (հիմնարկների)» N 2.III.1 սանիտարական կանոնների և նորմերի 5.3 կետով սահմանված պահանջների խախտում:

Հիմք ընդունելով Վարչական իրավախախտումների վերաբերյալ ՀՀ օրենսգրքի 255-րդ հոդվածը 2019 թվականի փետրվարի 22-ին կազմվել է N 144 վարչական իրավախախտման վերաբերյալ արձանագրություն, որը վարչական իրավախախտումների վերաբերյալ գործի քննության ծանուցման հետ միասին ուղարկվել է «Իջևան քաղաքի թիվ 1 մանկապարտեզ» ՀՈԱԿ-ի տնօրեն Էլմիրա Մարտիրոսյանին:

«Իջևան քաղաքի թիվ 1 մանկապարտեզ» ՀՈԱԿ-ի տնօրեն Էլմիրա Մարտիրոսյանը գործի քննության տեղի և ժամանակի մասին պատշաճ կարգով ծանուցվել է: ՀՀ առողջապահական և աշխատանքի տեսչական մարմնում 2019 թվականի մարտի 6-ին կայացած վարչական իրավախախտման գործի քննությանը «Իջևան քաղաքի թիվ 1

մանկապարտեզ» ՀՈԱԿ-ի տնօրեն Էլմիրա Մարտիրոսյանը չնայած պատշաճ ծանուցմանը չէր ներկայացել: Վարչական իրավախախտման վերաբերյալ գործի քննության ընթացքում ՀՀ առողջապահական և աշխատանքի տեսչական մարմնի Արևմտյան տարածքային կենտրոնի հիգիենիկ, սանիտարահիգիենիկ և հակահամաճարակային վերահսկողության բաժնի բժիշկ-համաճարակաբան Տիգրան Ուգուջանյանը ներկայացրել է «Իջևան քաղաքի թիվ 1 մանկապարտեզ» ՀՈԱԿ-ի գննման ընթացքում արձանագրված խախտումները:

2. Պատճառաբանական մաս

Վարչական մարմինը հաստատված է համարում, որ խախտվել է ՀՀ առողջապահության նախարարի 2002 թվականի դեկտեմբերի 20-ի N 857 հրամանով հաստատված «Նախադպրոցական կազմակերպությունների (հիմնարկների)» N 2.III.1 սանիտարական կանոնների և նորմերի 5.2 և 5.3 կետերով սահմանված պահանջը: Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է «Իջևան քաղաքի թիվ 1 մանկապարտեզ» ՀՈԱԿ-ի տնօրեն Էլմիրա Մարտիրոսյանը: Վերջինիս կողմից վարչական իրավախախտում կատարելու մեջ առկա չէ «Վարչական իրավախախտումների վերաբերյալ» ՀՀ օրենսգրքի 33-րդ հոդվածի 1-ին մասով և 34-րդ հոդվածի 1-ին մասով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ: Վարչական մարմինը գտնում է, որ Էլմիրա Մարտիրոսյանի կողմից իրավախախտումը կատարվել է անզգուշությամբ: «Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը

համարվում է անգգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք, էլմիրա Մարտիրոսյանը կանխատեսել է իր գործողության կամ անգործության հակաիրավական բնույթը, սակայն ոչ գիտակցաբար թույլ է տվել այդ հետևանքների առաջացումը:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ էլմիրա Մարտիրոսյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես «Իջևան քաղաքի թիվ 1 մանկապարտեզ» ՀՈԱԿ-ի տնօրեն՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասի համաձայն՝ սանիտարական, սանիտարահիգիենիկ և սանիտարահակահամաճարակային կանոնները և նորմաները (բացի սննդամթերքի անվտանգության ոլորտի և մթնոլորտային օդի պահպանության կանոններից և նորմաներից), հիգիենիկ նորմատիվները խախտելը առաջացնում է տուգանքի նշանակում պաշտոնատար անձանց նկատմամբ՝ քառասնապատիկից մինչև հարյուրքսանապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 279, 281, 283-րդ հոդվածներով և 282-րդ հոդվածի 1-ին մասով՝

Որոշեցի

1. «Իջևան քաղաքի թիվ 1 մանկապարտեզ» համայնքային ոչ առևտրային կազմակերպության տնօրեն Էլմիրա Մարտիրոսյանին՝ սանիտարական նորմերի պահանջները խախտելու համար, «Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասով ենթարկել վարչական տույժի՝ սահմանված նվազագույն աշխատավարձի քառասունապատիկի չափով՝ 40.000 (քառասուն հազար) ՀՀ դրամ վարչական տուգանքի:
2. Սույն որոշումը ծանուցել «Իջևան քաղաքի թիվ 1 մանկապարտեզ» համայնքային ոչ առևտրային կազմակերպության տնօրեն Էլմիրա Մարտիրոսյանին:
3. Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:
4. Սույն վարչական ակտն ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:



Восстановимая подпись

X

VERIFIED OCSP 12.03.2019 10:45:05 GMT+4

Подписано: KHURSHUDYAN EDGAR 4001830221

ԷԴԳԱՐ ԽՈՒՐՇՈՒԴՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի տուգանքը պետք է վճարվի իրավախախտողի կողմից տուգանքը նշանակվելու մասին որոշումը հանձնվելու օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունների հաշվի համարը՝
ՀՀ առողջապահական և աշխատանքի տեսչական մարմնի համար իրավախախտումների
համար կիրառվող տուգանքների և պատժամիջոցների մուտքեր N 900005024097:

Որոշումը ստացա _____

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում _____

Նշում որոշումը պատվիրված փոստով ուղարկելու և ստանալու ծանուցման մասին _____

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)
երաբերյալ ծանուցագրի համարը)